

Headline	Bekas pegawai, anggota TLDM di KD Sri Rejang lawat Sibu		
MediaTitle	Utusan Borneo Sabah		
Date	08 Jan 2020	Color	Black/white
Section	General News	Circulation	11,223
Page No	8	Readership	33,669
Language	Malay	ArticleSize	237 cm ²
Journalist	N/A	AdValue	RM 481
Frequency	Daily (EM)	PR Value	RM 1,444



Bekas pegawai, anggota TLDM di KD Sri Rejang lawat Sibu

SIBU: Sekumpulan lebih 100 bekas pegawai dan anggota Tentera Laut Diraja Malaysia (TLDM) yang pernah bertugas di Kem KD Sri Rejang yang berpangkalan di bandar ini dari 1964 hingga November 1991, kembali menziarahi tempat mereka mencurahkan bakti suatu ketika dahulu.

Laksamana (Bersara) Rosli Yoob yang mengetuai rombongan itu berkata, daripada jumlah tersebut seramai 87 orang berasal dari Semenanjung manakala 20 orang lagi dari Sarawak.

Katanya, bekas anggota paling senior menyertai

rombongan tersebut yang bermula kelmarin berusia 76 tahun.

Sepanjang lawatan lima hari tersebut, rombongan itu akan mengunjungi tempat-tempat operasi yang pernah diharungi semasa bertugas suatu ketika dahulu terutama di sepanjang kawasan tebing Sungai Rajang.

"Melalui lawatan ini ia akan mengimbu semula kenangan pahit manis semasa bertugas di sini suatu masa dahulu, di samping mengeratkan hubungan silaturahim dalam kalangan kami bekas warga Kem KD Sri Rejang.

"Selain itu kami turut mengatur lawatan ke bekas tapak Kem KD Sri Rejang yang kini menempatkan Rejimen 510 Askar Wataniah di Jalan Kampung Nangka di sini.

"Kami juga akan berkunjung ke Kaput untuk melawat sebuah rumah panjang dan tempat-tempat di mana kami pernah terlibat dalam projek Jiwa Murni dahulu," ujar beliau.

Rosli yang pernah bertugas di Kem KD Sri Rejang pada 1981 hingga 1983 berkata, aktiviti lawatan tersebut merupakan yang ketiga kali diadakan sejak 2018 dan akan dijadikan aktiviti tahunan.



MENGIMBAU KENANGAN: Rombongan tersebut mengadakan lawatan ke Rejimen 510 Askar Wataniah, Kem Sri Rejang di Sibu.